

11,02x2022 = 90 (?)

Ho troà per strada on tal ch'el m'ha di':

“Auguri, car el me Don, per i sô noanta!”

E me som voltà indrée per vedè a chi 'l parlava

Ma gh'era propi nessun che per caso 'l passava.

Alora g'ho di': “Car el me scior, ghe l'avì propi con mi?”

“Sigura – el m'ha rispondu – se no con chi?”

Ma vardé se l'è possibil che me daghen noanta

Quand mi fo fadiga a damen al massim setanta!

Podaria no vess che in Comun avesser sbaglià

Quand m'han stampà la carta d'identità?

Andarò a reclamà i me diritt

E a famm corregg quel che han scritt!

S'eri 'drée a insognass, mia cara gent!

Poeu som dessedà e in fond s'eri content

De vegh avù in regal inscì tanti ann

Coj sô bej moment e anca i sô affan.

Alora me som metù lì bel quiet a 'spettà

Ch'el me car Signor el me vegna a ciamà.